



Na osnovu člana 8. stav (3) Zakona o obrtu i srodnim djelatnostima ("Službene novine Federacije BiH", br. 35/09 i 42/11) i člana 4. Uredbe o kriterijima i postupku za ostvarivanje prava na podsticajna sredstva za očuvanje i razvoj tradicionalnih i starih zanata – obrta ("Službene novine Kantona Sarajevo", br. 15/10 i 29/11), Ministarstvo privrede, objavljuje

## JAVNI POZIV

za dodjelu podsticajnih sredstava za očuvanje i razvoj tradicionalnih zanata – obrta u 2015. godini

### 1. Predmet javnog poziva:

Predmet Javnog poziva je prikupljanje zahtjeva zanatlija-obrtnika, koji obavljaju djelatnosti tradicionalnih i starih zanata-obrta, za ostvarivanje novčanih podsticaja iz sredstava tekućih transfera Budžeta Kantona Sarajevo - Ministarstva privrede za 2015. godinu.

### 2. Pravo učešća:

Pravo učešća po osnovu Javnog poziva imaju obrtnici koji obavljaju stare i tradicionalne zanate - obrte, čije je sjedište obrta i prebivalište u Kantonu Sarajevo, a koji ispunjavaju uslove i kriterije propisane čl. 1. i 2. Uredbe o kriterijima i postupku za ostvarivanje prava na podsticajna sredstva za očuvanje i razvoj tradicionalnih i starih zanata – obrta ("Službene novine Kantona Sarajevo", br. 15/10 i 29/11), (u daljem tekstu Uredba).

### 3. Opšti kriteriji koje obrtnici treba da ispunjavaju su:

Kriteriji za ostvarivanje prava obrtnika – zanatlija na novčane podsticaje su:

- da izrađuju proizvode starih i tradicionalnih zanata pretežnim udjelom ručnog rada, u manjim serijama, stvarajući finalni proizvod,
- da pružaju usluge starih i tradicionalnih zanata, pretežnim udjelom ručnog rada,
- da zanatsku djelatnost – obrt, obavljaju kao osnovno zanimanje,
- da imaju stručnu osposobljenost za obavljanje obrta ili da taj obrt obavljaju najmanje pet godina i
- da je sjedište obrta i prebivalište obrtnika u Kantonu Sarajevo

### 4. Posebni kriteriji koje obrtnici treba da ispunjavaju su:

Obrti - zanati koji se obavljaju moraju biti obuhvaćeni Popisom obrta- zanata, koji je sastavni dio navedene Uredbe. Finansijska sredstva, odobrena u skladu sa Uredbom, mogu se koristiti za:

- poboljšanje uslova rada obrtničke radionice,
- troškove vezane za obavljanje učeničke prakse,
- troškove novouposlenih radnika,
- komunalne naknade javnim preduzećima i fondovima,
- zakupnine, za korištenje poslovnog prostora i
- nabavku repromaterijala i slično.



## **5. Sadržaj potrebne dokumentacije:**

Uz obavezan, popunjeno pismeni zahtjev - prijavu na Javni poziv (obrazac zahtjeva - prijave može se preuzeti putem web stranice Ministarstva privrede Kantona Sarajevo ili na protokolu Kantona Sarajevo), obavezno se prilaže sljedeća dokumentacija:

- a) rješenje nadležnog organa o osnivanju zanatske radnje, odnosno odobrenje o obavljanju zanatske djelatnosti-obrta,
- b) dokaz o stručnoj sposobljenosti vlasnika ili uposlenika (uz dokument o izvršenoj urednoj prijavi PIO za uposlenika) za obavljanje obrta, a ako nema ovog dokaza iz priloženog rješenja o osnivanju obrta mora biti vidljivo da se registrovana djelatnost obavlja duže od pet godina,
- c) uvjerenje nadležnog općinskog organa da se obrt obavlja kao osnovno zanimanje i da nije utvrđen trajni prestanak obavljanja registrirane obrtničke djelatnosti,
- d) original obavještenje MUP KS o evidenciji prebivališta (ne starije od šest mjeseci),
- e) ugovor o zakupu ili dokument o vlasništvu prostora,
- f) ugovor o otvorenom računu kod banke (koji se vodi na radnju obrtnika),
- g) uvjerenje o poreznoj registraciji sa identifikacionim brojem,
- h) obavještenje Službe za statistiku o razvrstavanju obrta prema djelatnosti i
- i) svojeručno potpisano i od nadležnog organa ovjerenu izjavu, kojom se potvrđuje da se konkretna zanatska djelatnost obavlja najvećim dijelom ručno te na taj način stvara finalni proizvod, odnosno pruža usluga.

Sva tražena dokumentacija mora biti original ili fotokopija (ne starija od šest mjeseci), ovjerena od nadležnog općinskog organa. **Zahtjevi-prijave uz koje ne bude priložena sva tražena dokumentacija ili fotokopije dokumenata ne budu ovjerene, neće se uzeti u razmatranje.** U postupku podnošenja zahtjeva po Javnom pozivu, Ministarstvo privrede Kantona Sarajevo podnosiocima zahtjeva ne snosi nikakve troškove.

## **6. Način podnošenja zahtjeva – prijave:**

Zahtjevi-prijave, sa kompletnom dokumentacijom, dostavljaju se putem pošte ili lično na adresu:

Kanton Sarajevo  
Ministarstvo privrede  
Ulica R.DŽ. Čauševića broj 1.  
71000 Sarajevo

(za Javni poziv – podsticajna sredstva za tradicionalne i stare zanate-obrte)

**7. Rok za podnošenje zahtjeva - prijava je 30 dana i počinje da teče od narednog dana od dana objavljivanja poziva u sredstvima javnog informisanja. Zahtjevi - prijave primljene nakon isteka roka neće biti razmatrane.**

**8.** Komisija Ministarstva privrede u skladu sa čl. 4. i 5. Uredbe, obrađuje prispeje zahtjeve - prijave, a po potrebi izvršava provjeru podataka na licu mjesta. Na osnovu prijedloga Komisije, Ministarstvo privrede će na oglasnoj ploči Kantona Sarajevo objaviti listu obrtnika-zanatlja koji ispunjavaju uslove za dobijanje sredstava. Na objavljenu listu, u roku od 15 dana može se izjaviti prigovor Ministarstvu privrede. Po okončanju postupka, utvrđuje se konačna lista obrtnika - zanatlja koji ispunjavaju uslove za dobijanje sredstava. Na osnovu raspoloživih sredstava, Ministar privrede Kantona Sarajevo, donosi Odluku o raspodjeli sredstava, a odobrena sredstva se uplaćuju na dostavljeni račun obrtnika.

## **9. Dokumentacija koja je dostavljena po Javnom pozivu se neće vraćati.**



web: <http://mp.ks.gov.ba>  
e-mail: [mp@mp.ks.gov.ba](mailto:mp@mp.ks.gov.ba)  
Tel: + 387 (0) 33 562-121, + 387 (0) 33 562-122  
Fax: + 387 (0) 33 562-226  
Sarajevo, Reisa Džemaludina Čauševića 1

